



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CLXXXIX. Nicolaus, Bischof von Camin, verschreibt den Wohlthätern der
Marienkirche und der übrigen Pfarrkirchen in Prenzlau einen Ablass, am 29.
August 1402.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

CLXXXIX. Nicolaus, Bischof von Camin, verschreibt den Wohlthätern der Marienkirche und der übrigen Pfarrkirchen in Prenzlau einen Ablass, am 29. August 1402.

Nicolaus, Dei et Apostolice sedis gracia Episcopus Ecclesie Caminenfis, Vniuersis Christi fidelibus, ad quos presentes litere peruenerint, salutem et sinceram in Domino caritatem. Serena virgo, Mater plena deliciis, dulcis Dei genitrix saluatoris, humanarum laudum preconiiis digne meruit venerari, que solem iusticie, Dominum nostrum Jesum Christum, mundo edidit saluatorem, de cuius vberum dulcedine agris medicina, languentibus solamen, rei remissio culpe, ipsius implorantibus patrocinium, misericordie riulus noscitur emanare. Cupientes igitur, vt ecclesie parochialis beate Marie Virginis, Sanctorumque Nicolai Episcopi, Jacobi Apostoli et Sabini Martyrum in Ciuitate Primpslauia, nostre Caminenfis Dioeceseos fundate, libris, calicibus, luminaribus et ornamentis, aliisque suis debitis et necessariis destitute, congruis honoribus a Christi fidelibus iugiter venerentur; Omnibus vere penitentibus confessis et contritis, qui ad dictas Ecclesias in festiuitatibus in dicta nostra Diocesi celebrari consuetis, causa deuocionis, oracionis et peregrinacionis accesserint Missas, predicaciones aliaque diuina officia in ipsis audierint aut qui ad fabricam, libros, calices, luminaria, ornamenta aut queuis alia, dictis Ecclesiis necessaria manus porrexerint adiutrices, vel qui in eorum testamentis uel extra, aurum, argentum, vestimentum, aut aliquid aliud caritatum subsidium dictis Ecclesiis donauerint uel legauerint aut ab aliis donari uel legari procurauerint, aut qui Sacramenta Corporis Christi et Sacre vnitionis, cum ad infirmos portentur, secuti fuerint, seu qui in serotina pulsacione campane flexis genibus cum salutacione angelica gloriosissimam virginem Mariam ter deuote salutauerint, nec non qui cimiteria dictarum Ecclesiarum pro animabus corporum fidelium defunctorum ibidem iacencium exorando deuote circuierint, quocienscunque et quandocunque premissa uel premissorum aliquid pie fecerint uel ab aliis fieri procurauerint, de omnipotentis Dei misericordia et beatorum Petri et Pauli Apostolorum eius suffragiis et auctoritate confisi, Quadraginta dies indulgenciarum et vnam karenam de iniunctis eis penitencis misericorditer in Domino relaxamus, ex illa, quam Deus indulgit, potestate. Insuper omnes et singulas indulgencias per nostros predecessores aut quoscunque alios Archiepiscopos et Episcopos dictis Ecclesiis datas et concessas ratificamus, approbamus et in nomine Domini confirmamus per presentes. Datum in Castro nostro Corlin, Anno Domini M^o. CCCC^o. II^o., Ipso die decollacionis sancti Johannis Baptiste nostro sub secreto.

Nach Beckmann's Abschrift des Originals.